

«FRAISKU» SANTUAREN EGUNEKO EUKARISTIA



Hasiera oharra

Nor zan, zer zan gaur eta hemen omentzen dogun santua: Asisko Frantzisko (Fraisku)?

Itxura oneko gaztea zan, familia onekoa, orraztea eta ondo jantzita ibiltea ebana gogoko, eta lagunekaz jai bat hemen eta beste bat han egiten ebana, eta handiguraz bizi zana.

Baina bila ebilan, eta Nazareteko Jesusek ikutu eutson bihotza. Harrezkero ez egoan beretzat pobrezia eta umiltasuna langorik. Hori besarkatzeak, ingurukoen irri eta barreak ekarri eutsozan, baina baita bere barruko bakea eta benetako askatasuna ere aurkitu ebazan. Eta laster baten inguratu jakozan era askotako bilatzaileak, euren fedea erradikaltasunean bizi izan gura ebenak. Eta bizigarri suertatu zan orduko Eleizearen ustel giroan.

Gaur behar doguz holango santuak! Bide horretan zehar abiatu da aitasantu Frantzisko. Baina... aurkituko ete dau gure artean lagunik? Ez ete gara konformatuko *osasuna eskatzeaz*? Hori baino gehiago emon leigu Fraiskuk: adorea eta ausardia, pobretasunean libre izateko, eta Izadi osoagaz bakean bizi izateko.

Irakurgaiari sarrerea

Zer da guretzat inportantea: bateatua izatea, mezatara etortea, errezatzear..., ala gizaki barri izatea? Hori zer dan esango deusku Paulo apostoluak.

*Kristo kurutzean hil zan ezkerro,
mundua hilik dago niretzat eta ni munduarentzat.*

San Paulo Apostoluak Galaziarrei egindako gutunetik

(Ga 6, 14-18)

Senideok: Jesu Kristo gure Jaunaren kurutzean izan

ezik; Kristo kurutzean hil Niri dagokidanez, Jainkoak libratu nagiala harrotzetik, zan ezkerro, mundua hilda dago niretzat eta ni munduarentzat. Izan be, erdaindua izateak nahiz erdainbakoa izateak ez deutso ardura; balio dauana sorkari barri izatea da. Bakea eta errukia arau honi lotuak bizi diranei, baita Jainkoaren Israeli be! Hemendik aurrera ez deidala inork nekerik emon: Jesusen zauri-markak neure gorputzean daroadaz-eta nik. Senideok, Jesu Kristo gure Jaunaren grazia zuen espirituarekin. Amen.

Jaunak esana

Erantzun Salmoa (Sal 15, 1-2ª eta 5. 7-8. 11)

Alkartu gaitezan salmugileagaz ondasunen lokarrietatik urten eta pobretasunean aurkitu daigun Jainkoa eta gure zoriona.

Ebanjelioari sarrerea

Gure amesa asko jakitea, asko eukitea, izen handiko izatea... izaten da, zorientsu holantxe baino ez garala-ta izango. Baina holan ete da? Ea zer dinoskun Jesusek. Egin deiogun harrerea Aleluia abestuz, zutunik.

Ebanjelioa

Gozoa eta bihotz-apala naz.

† Jesu Kristoren Ebanjelioa San Mateoren liburutik

Mt 11, 25-30 (384. or.)

Aldi haretan, Jesusek esan eban: «Bedeinkatua Zu, Aita, zeru-lurren Jauna, gauza honeek jakintsuei eta burutsuei gorde eta jente txikiari agertu deutzazulako. Bai, Aita, halan izan dozu gogoko. Nire Aitak dana emon deust, eta ez dau inork Semea ezagutzen, Aitak baino; ezta Aita be, Semeak baino, eta Semeak agertu gura deutsonak baino.

Zatoze Neugana nekatu eta lanpetu guztiok, eta

Neuk arinduko zaituet. Hartu egizue nire buztarria eta ikasi Neugandik, ze gozoa eta bihotz apala naz, eta aurkituko dozue zeuen arimentzako atsedena. Izan be, Nire buztarria leuna da, eta nire zama arina».

Jaunak esana

ESKARIAK

† Pobreen ondotik ezelan ere aldentzen ez dan Jainkoari egingo deutsalagu otoitz bere aurrean behartsu lez agertuz:

—Gure arteko gaixo, zahar, baztertu eta aurrean erabiliak diranen alde: beste guztion errukia eta laguntza lortu daien, gizarte zuzenagoa eraiki ahal izan daigun, *egin daigun otoitz*.

—Euren etxe edo lurraldetik iheska diharduen eta beste lurraldeetako ateak itxita aurkitzen dituen gizakien alde: benetako ondasun lez begiratu deiegun, eta gure bihotzeko eta etxeko ateak zabaltu deieguzan, *egin daigun otoitz*.

—Eleiza pobrea gura izateak eleizgintzara mogidu gaizan eta gure eleiztartasuna gaurkotzera, *egin daigun otoitz*.

—Fraisku santua Eukaristian omentzen dogunok sinismenaren erradikaltasunera heldu gaitezan, santuak omentzeko beste era batzuk ere aintzat hartzeraino, *egin daigun otoitz*.

† Jesukristori jarraitzera bultzatzen gaituzun Jainko ona: geuretu daigula pobrezia eta beti pobreen ondoan egotea, Fraisku santua aurrelari dogula. Jesukristo gure Jaunaren bitartez.

—Amen.

Jaunartzerako abestia

Zabal bihotzok errukirako, sendo bihotzok borrokarako.

—Gizon-emakume barri, kondairaren eragile
gizatasun barriaren oinarri eta egile.

Gizon-emakume barri arriskuen onartzaile,
fedebizitzan ausarta, zailtasunetan garaile.

—Gizon-emakume barri, esperantzaren gudari,
zuzenaren gose-egarri, egi bidean bidari.

Gizon-emakume barri, ez kate ta ez lokarri,
askatasunaren jabe eta askatasun-azkarri.

—Gizon-emakume barri, mugaz-gaindiko maitale,
alkar artean oretuz arraza eta lurralde.

Gizon-emakume barri, pobreen artean pobre,
hauekin alkarbanatuz etxeko ogi ta aterpe.

Jaunartze ondorenerako

Pobre zalako "Fraisku" santua izan zan guztiz
librea,

beretzat hartuz ipar bakar hau: Barri Ona jarraitzea.

Eukaristia ospatu dogu, sartu jaku zirrarea:

bateratuta bizi daiguzan pobrezia ta fedea...

Azken agurrerako oharra

Frantzisko aitasantuak *pobreak gogoan eukiteko*
mundu mailako eguna ezarri dau, aurreko urtean
errukiaren urtea izendatu ondoren: zemendiaren 18-
19an izango da aurten.

Hori dala-ta, geuk ere bat egin gura dogu Frantziskoren
asmoekaz eta zeinuren bat egin gura izango geuke, bai
bakotxak bere aldetik, baina baita eliz alkarte lez ere.
Ea zer bururatzen jakun... Badaukaguz Caritasegaz



kolaboratzeko txartelak.

Azken abestia

**Jende asko negarrez,
horrek nauka minez** (bir)

- Etxe gabe, goseak hiltzen,
pozik gabe bizia galtzen.
- Bizia maite baina ezin,
jakitea baina norekin.
- Jainko seme-alabak dira
ta gu anaiak ote gara?

